

Das ander büch Genff.



Die statt Genff ligt im Sophoyer land / vnd ist ein trefflich alte stadt deren auch Julius der erst Keyser gedencke in seinem ersten büch von dem Gallier krieg / vnnnd schreibe das do ein bruck gangen sey über dem Rhodan / die ist in der Heluetic gewalt gewesen zu den selbigen zeiten. Die statt ligt an einem lustigen vnnnd fruchtbaeren ort / auff einem hü-



bel / do der Rhodan auß dem grossen see lauffte / vñ sind zu vnsern zeiten zwo stert do selbst zu beiden seiten des Rhodans gebawen / vñ mit einer hölzirn bruck aneinander gehencke. Wir finden auch das dise statt durch den Keyser Aurelianum wider ist gebawen worden / vnd der wolt auch das man sie nach ihm Aurelianam nennet / aber sie hat den alten namen behalten. Sie ligt fast mitten im Sophoyer land / vñ hat auch vil erlitten von dem Herzogen des seibigen lands / bis sie vmb das jar

Christi 1536. von den Bernern erledige ist. Die merck das nach dem Burgundischen krieg hat sich die statt Genff mit der zeit in burgrecht vnnnd bündennß begeben mit den stetten Bern vnd Fryburg. Vnd wiewol der Herzog vonn Sophoy auß krafft des schirms vnnnd lastuogetey / so er über die statt vnnnd bischum Genff vermeine von rechte zu habē / solich bündennß erwan vnderstünd zu wehren / ward er doch allweg durch die Berner / deren ewiger bundegnos er auch was / gestillet / bis vmb das jar Christi 1528. do sich etwas enderung der religion zu erig / do ward nie allein ein vnwill zwischen dem bischoff vnnnd der statt enstunde / sunder vnderzog sich auch der Herzog der sacht / vnnnd ward also die feindschafft heimlich groß / dorfften doch die statt nit angreifen / dann sie forchten die Berner. Aber vil Herren vnd adels des bischoffs vnd herzogens verbunden sich zusammen / vermeinten auch die statt Genff in einer suppen zu stecken / empdrten sich / vnnnd ritten mit grossen hauffen vmb die statt Genff / vnd erdröwen den burgern den todt vnd verderbung der statt. Die Genffer ermaneten ire bundegnos / die von Bern vnnnd Fryburg / inen hilff zu thun / das nun auch geschah / dan sie zugend hinein vnnnd zerbrachen alle schlösser der feind / aber des Herzogens stecten thäten sie nichts / vnd ward der krieg etlicher maß versüner. Vnnnd als nach gehnden jaren die Sophoischen nicht wolten zu friden sein / wurden die Berner bewege mit gewalt den Genffern zu ziehen / vñ dem Herzogen das land vmb Genff gar einzunemen / doch bat sie der König / das sie nit über die Cluß zugend / das sie auch thäten / aber der Franzos nam ein was lands der Herzog für die Cluß gegen Franckreich zu het. Dis geschach anno Christi 1536. zu ende des Jenner. Also wurden von den Bernern eingenommen Morse / Koll / Koffin / Ciphona / Ihee statt

vnd schloß / die Cluß / Copet / Ruffenei / Laferza statt vnd schloß / Losanna / vnd alle landschafft des bischoffs /c.

Wie die